



partii naleraq

UKA2015/93

18-11-2015

**Folkehøjskolet pillugit oqallinnissamik siunnersuut. Folkehøjskolinik siunnerfinnik isumaliuutersuutit toqqammavigalugit folkehøjskolet ingerlatsiinnarnissaat anguniarlugu politikikkut qanoq ikorfartuisinnaavugut? Politikikkut iliuusissat suut aqcutigalugit tunngaviusumik periusissatut toqqammavissat ersarinnerusut qanoq suliniutissat ingerlanneqarsinnaappat, tamatumani folkehøjskolenik isumaliuutersuutinik toqqammaveqarnerit anersaakkut tunngaviusut qaffassarneqarsinnaappat?**

(Inatsisartunut ilaasortaq, Sara Olsvig, Inuit Ataqatigiit)

Inatsisartunut ilaasortaq Sara Olsvig Inuit ataqatigiit oqallinnissamik siunnersuuteqarluni tassalu Folkehøjskolit pillugit tamannalu Partii Naleqqamiit oqaaseqarfigissavarput.

Nunatsinni innuttaasunut tamanut ilinniartitaanikkut qaammarsaanikkullu periarfissat pitsanngorsartuarnissaat tamatta pingaartitariaqarparput, kiisalu ilinniartitaanermi atugassarititaasut ilinniartitsinermilu sulisunut pitsaasuunissaat, minnerunngitsumillu ilinniartittut atukkat atuarfiit ilinniartittut sulisunut illuutit, kiisalu ilinniartut ineqarfiisa pitsanngorsartuarnissaat aningaasalersuinnikkullu pitsaasumik sinaakkutaqarlutik ingerlanissaat pingaarluinnartoq Partii Naleqqamiit oqaatigerusupparput.

Nunatsinni ilaatigut inuusuttorpassuit ilinniartitaanikkut ingerlariaqqinnissaminut periarfissaqarsimangitsut nunatsinni højskolit marluusut atorlugit inuttut qaammarsaaffigineqartarput ilaatigullu taakkunani atuareernermikkut ingerlariaqqittarnerat ajunngivissunik sunniuteqartartoq Højskolinit oqaatigineqartarpoq.

Nunatsinni ilinniartitaanikkut periarfissanik atorluaanissarput inuusuttut allallu innuttaaqataasut siunissaminut qaammarsarneqarnissaanni Højskolit pingaartorujussuarmik inissisimapput atorluagassaallutillu nukiimmi ilinniartitsinikkut pigineqareersut atorluartariaqarpagut

Inuttut ajornartorsiutigut annertoorujussuupput ilaatigullu meeqqat atuarfiinit anisut ingerlariaqqinngitsoortartut ikigisassaangillat, tamaasalu siunissamut peqataalersissagutsigit ilinniartiusinnaasut pioreersut tamarmik atorluarneqassapput, aningaasammi pigisagut killeqarput inuusuttullu ilinniarnermut pulatinneqarnissaannut ilungersuussigutta aningaasarsiornikkut nukittunerulersinnaagatta.

Tamatta ikioqatigiissutigisariaqarparput nunatsinni højskolit ingerlalluarnissaat aqcutissiuutissallugu, aningaasaqarnikkullu nukittuumik inissimalernissaat periarfissarsiuttariaqarput pinngitsoorsinnaangilagummi ilinniartittut atorfissaqartilluarpagut ilinniarsimassutsikkut qaffaassaasoqassappat atorneqarsinnaasut tamarmik atorneqartariaqarmata.

Ullumikkummi illorsuit højskoliusut aserfallalluinnarsimapput pitsanngorsarneqassappatalu højskolit kisimiillutik akissaqartinngilaat, ingerlaannarnissaallu qulakkeerneqassappat nunatta karsia aamma aningaasalersuinikkut peqataasariaqartoq Partii Naleqqamiit oqaatigerusupparput.

Højskolit marluusut taakku nunatsinni sunniuteqartorujussuarmik inissisimapput, pikkorissaanerpassuit ukiumut inuppassuit peqataaffigisartagaat ingerlanneqartarput. Sulisartut sinnissaat pikkorissarneqartarput taamaalillutik ulluinnarni sulisartut atugaannut pitsanngorsaanissat inuttullu siuarsaanerit ingerlanneqartarlutik, inuusuttorpassuit sinerissamiit katersuuffigisarpaat inuttut nukittorsarnissaminnut qaammarsaaffigineqarlutik ilinniartinneqartarlutillu.

Utoqqaat ataatsimeersuarfigisarpaat ulluinnarni atukkatik pitsaanerulernissaat, kiisalu inuiaqatigiinni peqataanermi atukkatigut pitsaanerulersiniarnermi ataatsimoorlutik nukittorsarlutillu ingerlatsisarnerat anersaakkut inuiaqatigiinnut nukittunerulernermik tunniussaartarlutik. Inuiaammi utoqqartaqanngitsut nukittuunik inissisimasinnaanngillat, taamaattumik nunatsinni højskolit marluusut ingerlalluarnissaat pingaartorujussuusoq Partii Naleqqamiit oqaatigerusupparput inuiaqatigiinnut pingaaruteqaqqimmata.

Atuagarsornikkut tamatta qaffasinnerpaamik inissisimannginnata inuiaqatigiinnilu atugassaritaasut pisinnaatitaaffiillu qaammarsaaffiujuarnissaat inuusuttunut pingaartorujussuusoq oqaatigerusupparput. Aammalu ilinniarsimassutsikkut kinguarsimanerput pillugu innuttaasunut ilinniartitsinnikkut qaammarsaanikkullu suli pisariaqartitseqaagut.

Ilaqutaariit ingerlalluarnissaat meeqqallu isumassorluarneqarnissaat anguniarlugu ilaqutariinnik pikkorissartitsinerit ingerlanneqartartut assut iluarisimaarneqartartut oqaatigineqartarput, tassanilu aamma højskolit sunniuteqarluarnerat maluginniarneqarluartartoq oqaatigineqartarpoq amerlasuummi pitsaanerumik alloriarnissaat uppersaatissalimmik anguneqartarmat, illoraallu tungaanut aallartitsisartut eqqarsaatigissagaanni højskolit pinngitsoorneqarsinnaanngitsut pisussaaffeqarnerulluta tapersortariaqarpagut.

Illorsuit isumannaatsumik siunissami atorineqassappata ilinniarnikkullu sunniuteqartumik nukittuumillu inissisimassappata aserfallatsaalinnissaq Namminersorlutik oqartussat aningaasalersussagaat ilanngullugu kissaatigaarput ilinniarsimassutsikkummi qaaffaasaasoqassappat ilinniarnikkut atorsinnaassagut tamaasa atorluariaqarpagut aamma Højskolit.

Aamma ilanngullugu eqqarsaatissatut apuukkusupparput nunatsinni aalisartut højskoliannik aammalu tunisassiornikkut inerisaanissamik anguniaqarfiusumik annertusaanissarput tassami inuussutissarsiutit pingaarnersaat aalisarneq tunisassiornerlu annertuumik nukittorsarneqassappata tamanna siunissami aningaasarsiornikkut annertoorujussuarmik iluaqutiginnaagatsigu.

Knud Rasmussen-ip højskolia pisariaqartitarput nunatsinni oqaluttuarisaanermi pingaartumik inissisimasooq kalaalerpasuarunik nukittorsarfittut ilinniartittullu ukiorpassuarni atuuffeqartoq ullumikkut aserfallalluinnarsimavoq nutarterneqartariaqalerluni.

Imatut aserfallatigisimavoq allaat illorsuup annertunerpaarta matuneqarsinnaalluni, tassami massakkut init ilinniartitsiviusut ilaat matoorneqarnikuupput oquppallaarnertik pissutigalugu

taamaattumik piaarnerpaamik Naalakkersuinikkut aaqqiissuteqarfigisariaqarparput tassami tamanna Knud Rasmussen-ip højskoliata nammassinnaangimmagu.

Oqallissaarummut saqqummiuneqartumut qujavugut saqqummiussisumullu Sara Olsvig-imut Inuit ataqatigiit oqariartuutaanut isumaqataalluta tassalu højskolit ingerlajuartariaqartut pinngitsoorsinnaangilagummi.

Hans Enoksen